

升菴太史遺集

卷十一
五十六

太史升菴遺集卷之十一

成都楊慎著

孫金吾宗吾輯

濟南王象乾校

丹陽湯日昭閱

七言律詩

松林道中遇張碧泉憲使

濁水清塵似有緣
霄鵬籬鷁幾周旋
光華出相山東地
勲業空群冀北年
夢敏相思迷道路
薦雄高誼薄雲天
能忘明月溫泉興
好寄長風梁甫篇

送沈龍山少叅

萬壽表入都

仙露秋零承露盤
祥風曉動相風竿
蓬萊闕獻南山

壽閭闔門開北極端丹宸

天顏當宁接錦屏春色

過家看加餐好益東陽帶八詠樓前又二難

公有二子弱齡

有聲
塲屋

送楊平石僉憲

表賀
上都

九霞光爛九龍墀

萬歲聲中萬國齊魏闕雙飛雲

裡鳳文樓三唱卯時鷄丁東長樂金徒箭晃朗甘泉

玉女梯更喜宵衣容獻納好將金鑑續篇題

甘泉宮有仙人

弩玉女梯
見史記注

春晴

正德戊辰作
追錄于此

曉枕忽聞黃鳥歌起看芳草紛成窩梨花杏花風信

早晴雲雨雲春態多青絲玉壺銀鑿落紅韁寶鉸金
盤陀駘蕩神臯足游衍其柰文園饒病何

竹溪卷為王朝望賦

李白溪邊唐六逸阮籍林中晉七賢古人陳迹去不
返之子高情今宛然謾謾清風灑蘭雪泠泠流水生
冰弦檀欒夾池誰與晤此君相對弄潺湲

宿太華寺次韵二首

雲房篝語夜更闌且進檳榔熨薄寒菊裡陶潛閒白
社松間絳守對蒼官塵緣自昔消千偈泡影從今等
六觀豺虎多情魑魅喜客身不覺有衰殘

升菴遺集 卷之十一
野寺鳴鍾報夕闌危峰暝色釀餘寒
春愁窈窕回青女鄉夢依稀到錦官
漁父船舷空外唱化人宮闕海中
觀天教金碧供圖畫誰擬丹砂駐
老殘

贈中丞岷川劉公往貴陽

蘭亭癸丑暮之春雅會千年跡未陳
錦水仙雲隨玉節貴陽卿月滿冰輪
徊翔鸞鳳丹霄迴接武夔龍紫禁親
肅敏勲名忠定業看君梓里繼清塵

於華亭寺餞岑蒲谷大叅公夕雨阻迴舟
岑與石南溪耿月屏宿於高曉村李民山樓即

事一首

驚濤駭浪渺何之白蕩茭塘返棹肯飛鷁退風鳴地
籟蛟龍得雨漲天池興如謝傳遊臨海景似岑公泛
羨陂一宿山樓燈火夕三高勝跡野人思

送鄺太守之官海南

鄺名民舉

使君南海春天外五馬光華接蜃樓喜見青雲空裏
下詎容明月暗中投孟嘗政績添新頌屈子詞章記
遠遊他夜夢尋應識路昆明池上碧雞頭

鄰梅

寒梅一樹發東鄰風遞香來欲喚人偶影獸留雲作
伴孤標惟許月傳神牆頭點綴渾疑雪岩背橫斜冷

笑春不共瘴花爭爛熳轉將遲暮見清真

學憲胡仰齋載酒過華亭寺

胡名堯時

白水薰葭遠逋詩紺園蒼蘆上方期問竒玄閣慙揚
子招隱荒途枉左思禪榻中宵分晤語仙舟明日約
追隨驚回鶴夢三更後鼓步花陰翠月歎

池南唐公自晉寧來訪予於高嶢予具小舟
迓之至滇則聞池南來高嶢矣是夕宿滇館
不寐作此

君勞枉駕題凡鳥我亦乘舟訪戴家海哨無緣追去
馬津橋有待至昏鴉椒觴獨酌先春酒蘭燭虛燒午

夜花伏枕聽雞遲漏水倚樓衝暝望晨霞

觀秋千

雪白梅花映粉牆秋千架底月昏黃
花邊隊隊紅妝出月下飄飄翠袖香
平地交飛金蛺蝶半空對起錦鴛鴦
漁歌熨曲齊聲和社鼓漁燈夜未央

送張子上

海上窮愁藉子寬天涯別去更誰歡
青鍾紫氣悲龍劍一瓠千金感鷓鴣
冠良信別來情滿紙美人東望涕沾翰
亨衢回首幽棲處兩地同憑萬里闌

荅費鍾石宗伯

上帝圖書群玉府仙人樓閣藥珠宮
流年冉冉形容異遘事悠悠夢幻同
屈指萬三千里路回頭二十一
春風秋來賸有南飛雁肯贖蘇卿雪窖中

文似山沈龍山郝石梁三公招為太華寺之
遊

仙客招携逐客從禮時蓮漏講時鍾
落霞秋水三千頃浸碧涵金第一峰
邀月杯觴歌湛湛含風樓閣影
重重徒令窮海傳浮藻未向流沙定轉蓬

遙岑樓送侯三峯廉憲次舊餞韻

蠻雲何處問投荒卿月何緣借寵光
茅屋秋風停暢

轂蘭亭春水詠流觴平林漠漠烟如織海樹蕭蕭天
雨霜黯別銷魂當此際不禁衰白意淋浪

即事

恩波未許放波臣涸轍何緣潤涸鱗餓鼠齧殘求米
帖荒雞啼斷乞醯隣瀛洲翠栢供仙饌門巷丹楓對
病身官柳野梅勞憶夢草堂茅屋望歸人

魯泉董太守得奇石於葉凹村特以相贈賦
此以謝

落木蕭蕭葉凹村使君奇石贈雲根嵌空榆筴排星
點膚寸雯華漬月痕端窟虛珍鸚鵡眼晉池羞見鳳

鳳蹲從今不重將軍畫臥看晴窗驟雨皴

重上羅漢寺梁王閣故基

碧鷄峯頭羅漢寺曾是梁王避暑宮
飛錫迴臨飛鳥上落帆遙指落霞中
慈雲法雨香陀淨剩水殘山象教空
今古銷沈愁聚貉登臨迢遞送歸鴻

冬至朝退次陸子淵編修韻

履長慶制聽傳宣萬歲三聲徹
九天劍珮趨滄亭午後衣裳顛倒未
明前王龍鱗甲消殘雪金雀觚稜上
瑞烟聞道宮衣添一線恩光親拜御筵前

送王方湖浙中水利僉憲

鷄衣積疾臥遽廬四介三旌枉使車
筆陣烟雲王逸少胸襟江海木
玄虛史家故迹河渠志憲府新
模水利書孤榻永容畱夜燕層
城相望隔冰蜍

次章后齋渡江探梅韻

玉女窻扉宋玉隣含章簷下散
香塵青陽節近芳華早白雪歌
成藻思新玉笛聲中風遞韻雕
梁影裏月傳神蘭舟桂楫桃根
渡會見揚州掌上身

送張霞川廣文之任馬湖

鳳凰山在射堂西碧洞嵐光映
粉題冰泮綠池春采藻星臨玄
閣夜然藜鑄鍾嚮爲談經叩樽
酒歡因問

字携更喜橫江烽燧靜磨崖新頌待琳珪

送受菴周憲使

天上文星作法星天涯重見眼偏青
甘年客路身猶泛萬里囚山夢未醒
卿彩慶霄明月共友懷江閣暮雲停
迢迢寄信寒梅驛望望春回翠草庭

苦雨連數月不止

三農隕穫已無秋十月愁霖不肯休
老屋漸看生木耳甫田未暇憫禾頭
洩雲翳岫難通屐平陸成江懶下樓
安得步虛騎鶴背閬風高處一賡訓

章后齋

漫休菴在碧雲層章碣招要熊羆登落木有聲林瑟
瑟遙天無柱水澄澄高懷茗芋頤三雅秀句照翩錫
百朋歸去慈航不須問興來仙御擬風乘

嵐靄橫看坐百層東山屐齒快先登雨晴月出金波
穆水落沙明錦磧澄艷曲苑人柳魅清詩霞友和
雲朋維摩結習空應盡不無生怡上乘

冬甲子晴江亭小集

晴意初從甲子回江亭更集暖寒正未着裙帶憐芳
草喜向欽梁見早梅淫雨不勝金谷罰嵇康已覺玉
山頽石苔可踐城隅路紉北青溪古句裁

東李介石

北定樓前彩鷁催鶴林仙會尚遲徊停雲正念同心
隔積雨難逢笑口開豪飲不須邀趙李清吟幸自有
歐梅惺惺枕上聽松籟幾度思君起夜來

以沙坪茶送曾少岷并憶白樂天睡夜茶興
寄楊慕巢詩遂成四韻

水晶已見陸鴻漸茶興又聞楊慕巢休吟坡老花三
朶渾忘劉伶酒二豪解使不平散毛孔何須痛飲讀
離騷君家阿段知泉脉試看冰瓷起雪濤

十一月十六日周木徑董春江靳兩城張抑

菴四公載酒過紫房觀玄閣行窩次韻一首
偶因避暑構雲房敢擬尋山覲紫房忽報軒車杜蓬
藿似從丘壑夢巖廊蹉跎良會欣重遇迅邁流年恠
底忙會圃登臺新八詠才情堪繼沈東陽

地震

秦晉坤輿似覆舟地文劃剝湧洪流虛傳伯鯀竊息
壤實恐應龍沉異州蒼穹窈窕羨鴻翼赤子戢戢嗟
魚頭禦寇玄談無乃是六鰲復戴三山遊

冬日臥疾簡后齋

歡娛易散樽酒空臥病呼兒問朔風芳歲荏苒行欲

暮知音只尺信難通
墻頭楓葉落如許
江口梅花開
幾叢東山下
湙屏上畫何日並遊陶謝同

采藥出郊沈王孟陳四郡博邀閱武亭觀射
尋芳本擬紉蘭出破竹翻成扎柳行
傾盖崇朝花雨霽衫絺亭午麥風清
綠樽有客江湖量赤羽何人關塞征
白社栖遲慙素隱丹丘迢遞負玄盟

夏日睡起即事

小啜茶甌午夢殘
陽阿晞髮懶彈冠
瑤池萱草欺桃李
金井香薰勝蕙蘭
涼粉柘漿斟沆瀣
冷淘槐葉飯琅玕
寄言吳語王丞相
棊局何須熨腹寒